



Nunap nakkaassinnaaneranut ulorianartorsiulernerq pillugu kalerisaarigasuarsinnaanerup upalungaarsimanissamut piumasagaatitigut naammassinninnissamut teknikkikkut atortorissaasusersornikkut aqutissiuuteqqullugu misissuisoqassasoq Naalackersuisut peqquneqarnissaannik Inatsisartut aalajangiiffigisassaattut siunnersuut. Upalungaarsimanissamut kalerrisaarinissamullu aaqquissuussinerit, pilersitap isumannaallisaanikkut sunnitissai aningaasatigullu kingunerisassai misissuinerup imarissavaa. Illorsuarni pilersitsinissamik periarfissat misissuinermi immikkut ittumik ilaatinneqassapput. Misissuinerup inernera kingusinnerpaamik Inatsisartunut saqqummiunneqassaaq UKA 2021-imi.

(Siumup Inatsisartunut ilaasortaaitai)

Illorsuit aamma Nuugaatsiap ammaqpinneqarnissaannut periarfissanik qulaajaanermik misissuinermik Naalackersuisut suliaqarnissaannik Inatsisartut aalajangiiffigisassaattut siunnersuut. Misissuinerup upalungaarsimanermit misissuutit nalunaarasuartaatillu pilersinnerisigut Illorsuit aamma Nuugaatsiap ammaqpinneqarnissaannik qulakkeerinninnissaq nalilersussavaa, tassungaannarli killissanani. Misissuineq GEUS-ip nalilersuinerata massakkut ingerlasup naammassinerani paasisat piareernerat ilutigalugu ingerlanneqassaaq.

(Inatsisartunut ilaasortaq Múte Bourup Egede, Inuit Ataqtigiiit)

Siumut Inatsisartuni ilaasortaaitaasa immikkoortoq 106 taamatullu Inatsisartunut ilaasortap Mute Bourup Egede, Inuit Ataqtigiinniit siunnersuutaat marluk pillugit Partii Naleqqamiit imatut oqaaseqarfigissavarput.

Avannaani Karrat Kangerluanniittumi tassaarsuortoqarnerani junip 17-iani 2017-imi pisumi misigissutsit aqusaakkagut ilungersunartut sakkortoqisullu tupaatigeqisagut sulii ulloq manna tikillugu qaffakaajuartarput.

Aliangiiffigisassatut siunnersuutit marluk ataatsikkut eqqartuiffigisassagut pillugit siunnersuuteqartut Partii Naleqqamiit qutsavigersuppagut.

Illorsuit aamma Nuugaatsiap siunissai pillugit oqaluuserisartaqarnitsinni Partii Naleqqamiit kalerisaarigasuarsinnaanerup tungaatigut periarfissaasut Norgemi atorneqartartut pillugit qaqilerisarsimagaluarpuq, taamaattumik upalungaarsimanissamut kalerrisaarinissamullu



partii naleraq

aaqqissuussinerit Nuugaatsiap Illorsuilu ammaqpinneqarnissaanut aqqutissiuutaasussat misissoqquneqartut ilisarinnualluarpagut.

Nunaqarfiit Nuugaatsiap Illorsuillu 2017-imi tassaarsuarqarmat inuerutsinneqartut ammaqpinneqarsinnaanerat politikikkut eqqartorneqartuarsimapput, Naalackersuisulli tassaarsuaqqinnissaanut aalleqquteqarlutik ulloq manna tikillugu innersuutinnigilluinnarpaat ammarneqaaqqinnissaat. Taamaammatt uku siunnersuutit qimerluaalaaanni aammalu GEUS misissuiniarnerat coranatoqarnera peqqutigalugu kinguartoqarnera aallaavigalugu aatsaat misissuinerit 2022-imi naammassisinnaasut oqaatigaat, taamaammallu uku siunnersuutit taamatullu Naalackersuisut naapertorlugit innuttaasut oqariartuutigisartagaat neriunnerallu piffissami qaninnermi piviusunngortinneqarsinnaanngitsutut isikkoqarpoq.

2017-imi qaqqap sisoorluni nakkaanerani tassaarsuarmik pilersititsinera annertooujussuusimavoq allaat misissuinnermi misserngersorneqarsinnaasut takutissimavaat maliit 90 meteri angullugu portussuseqarsimasut aallarteqqaarnerani allaat portunerusinnaasimasut ilimagineqarlutik. Allanut assersuussissagutta Japanimi nunap sajunnerani ajunaarnersuarmik kinguneqartumik tassaarsuartoqarmat mallit 40 meterisut portussuseqarsimapput.

Karrat kangerluanni tassaarsuarnermi maliit arsaattarfittuut angitigisukkuutaarlutik sekundit ingerlanerinnaani ingerlaalersimallutik 5 minutsip iluinaanilu nuugaatsiamut apuutipallassimallutik. Taamaammallu upalungaarsimanissamat kalerrisaarutinik pilersititsisoqarluarpalluunniit Nuugaatsiamut kalerrisaarasuarsinnaaneq ajornakusussasoq maannaagallartoq isikkoqarpoq. Taamatullu illut asuatitsernerat qiviaraanni imaaliiallaannaq ammaqpinneqarsinnaaneranut qulaajaaqqissaaqqaartoqartariaqartoq Partii Naleqqamiit paasilluarsinnaavarput aammalu Nuugaatsiami najugaqarsimasut qanoq isumaqarnersut qulaajaffigeqqqissarnissaa isumaqarpugut pisariaqartoq Inatsisartut qulaaniit aliangersaavallalinnginnitsinni.

Tassa karrat kangerluanni innaq putusuumiittut pingasuk nakkaaratarsinnaaneranik aallerinarnerpaanik pingasunik Nuugaatsiamiillu 35 km-iinnarmik ungasissuseqartumiittut eqqarsaatigalugit aalleqqutissaqarnermik peqqutissaqartoq isumaqarnarluni.

Naluarpulli qaqugu nakkaaqqissinnaassanersoq, naak ulorianaateqarluni isikkoqaraluartoq aammalu silaannaap kissatsikkiartorerani siallikulanerulerneranilli nakkaakulanerulernissaat qaqqat ilimagineqarsinnaagaluartoq.

Misissuinerit takutippaat qaqqat annertuumik nakkaasarsimasut nunatsinni 250-it missaaniittut ilaali pisoqaangaartsarsinnaasut allaat ukiut 1000-it angullugit pisoqaassuseqarsinnaallutik.



partii naleraq

Nunatsinni qaqqat sisooratarsinnaasut ullutsinni 200 missaaniittut sisunissaminut aarlequteqarfiusinnaasut piupput taakkunanilu 18-it sisorianaasut ulorianarsinnaasutullu inissisimasuullutik.

Taakkulu ulorianaateqarsinnaasut 18-it sisunissaminut pingasunngorlugit agguarneqarsimapput kategori 1, 2 3-mullu Karrat kangerluaniittullu sisunissaminut ulorianaateqarluinnartut pingasuusut, ulorianaateqartut normu 1-miillutik ilai allat 2-miinngikkunik 3-miillutik.

Nuugaatsiami kalerrisaarsuisinnaaneq immallu naqqata ikkannerunera peqqutaaluni mallit annertuujullutik tassaarsuarsinnaanerit eqqarsaatigalugu siunnersuuteqartut siunnersuutaat pillugit Partii Naleqqamiit tapersiisinaavugut innuttaasut qanimut suleqatigilluinnarlugit qulaajaaqqissaarneq ingerlanneqassappat.

Illorsuit eqqarsaatigalugit Partii Naleqqamiit allarlunnarmik isumaqarpugut, naak GEUS-imiit siunnersuisut siunnersuutaat malillugu ulorianaateqarsinnaasumik inissisimanerarluraat.

GEUS-imiilli immap naqqata sissallu avataata itissussaa qulaajarneqarsimanngimmat tamakkiisumik siunnersuuteqarsinnaannginnerat paasilluaraluarlutigu Partii Naleqqamiit isumaqarpugut Illorsuit allarlunnarmik inissisimasuusoq.

Karrat kangerluaniit nakkaasoqarluni nutaamik sisoortoqassappat ulorianaateqartumiit 60-65 kilomeeterisut ungasissuseqartumiit tassaarsuup Illorsuarmut eqquinissaanut minutsit 12-13 minutsiunissaat missingersorneqarsimavoq.

Kingullermili 2017-imi tassaarsuortoqarmat Illorsuit eqqugaanerit annertunngilaq aammalu illunik allaniluunniit aseruisoqanngilaq.

Taamaammat Partii Naleqqamiit paasisinnaanngilluinnarparput soq Illorsuit annertuumik ulorianartorsiorfiusutuut nalilerneqartuarnersoq.

Taamaammat innuttaasut Illorsuarmiut piaartumik angerlarnissaat sulissutigineqassasoq Naalackersuisunut piumasaraarput.

Innuttaasut angerlarusullutik peqatigiiffeqarlutik Naalackersuisunut Inatsisartunullu partiinut saqqummiisaarnikuupput, soq sivitsorsaaffgineqaqqiinnassava angerlarnissaminut noqqaanerit.

Illui inoqaratik nutaangilgaluttuinnannginneranni angerlarnissaat piaartumik pilersaarusionsuarfiginiarli 2022-ip kingorna angerlaqqinnissaanut sivitsorsaaffgineqaqqiinnassava isumaqarpugut siviluallaarujussuortoq.

Pisinarfiat, fabrikkiallu ammaqqinnissaanut pilersaarusionsuortoqarniarli.



partii naleraq

Taamatullu sissami immap itissusaa taamatullu illersuusersorneqarsinnaanera piaartumik nutsernerat ilutigalugu qulaajaaffigineqarniarli.

Taamatut Partii Naleqqamiit oqaaseqarluta siunnersuuteqartut siunnersuutaat malillugu misissuisoqarluarnissaa Nuugaatsiamut tunngatillugu isumaqatigaarput.

Ataatsimiititaliamullu nalilersuigasuarluni iliuusissamik ujaasisoqarnissaa kaammattuutigaarput Partii Naleqqamiit Illorsuarmi najugaqartut piaarnerpaamik angerlarsinnaanerat eqqarsaatigalugu

Taamatullu Partii Naleqqamiit oqaaseqarluta ataatsimiititaliamut susassaqtumut siunnersuutit innersuussutigaagut.

qujanaq